

गोसोआरि सोलोंथाइ आरो समाज

उज्जला पाटगिरि

सुबुं समाज जौगानायाव गोसोआरि सोलोंथाइनि गोनांथिखौ एंगारनो हाया । गुरै ओंथियाव सोलोंथाइ होनोबानो सरासनस्रायै फरायसालियाव फरायनानै मोननाय गियानखौनो थोंजों बुजिहरोब्लाबो नाथाय बेबादि नंजोबगौ होननानै थारला बुंखानोबो हाया । बाहायारि जिउआव जोंनि सोलोंथाइया दाबसेयावनो मुखब नंजोबा आरो सोलोंथाइ होनाय एबा लानो गोनां समा थि खानाय नडा । जिउ थासान्दियाव सुबुंहा सोलोंथाइ लानो गोनाड जोबनो गैया । ओंखायनो असमीया थुनलाइगिरि मानगोनां आनन्द राम बरुवा देबआ गावखौनो अरायसम फरायसा होननानै लादोंमोन आरो उन्दै बैसोनि फरायसाफोरखौबो 'लोगो' होनना बुंनो मोजां मोनोमोन । बेनिखायनो सोलोंथाइनि ओंथिखौ एसेबां गुरै, गुसेब बुंनो हाया । बेनि अरथाइया बहुमनि मोनफ्रोमबो मुवा-गुन्द्रासार्जों सोमोन्दो गोनां ।

सोलोंथाइनि सोमोन्दै हारिनि बिफा महात्मा गान्धिया बुंदों- 'गथ नि देहायारि, गोसोआरि जौगासार होनायानो सोलोंथाइ ।'

स्वामी बिबेकानन्दआ बुंदों- 'जोंनो बै सोलोंथाइखौ नांगौ, जायनि द्वारै आखल दानो हायो,

गोसोआरि गोहो बांहोनो हायो, सोलो एबा बुद्धिनि गोहो बांहोनो हायो आरो मानसिया गावनि आथिडव गाव गसनो हायो ।'

गोसोआरि होननायावनो बेयाव सोलोंथाइनि गासै गुबै थार बिथिडनो हाबना थाजोबो । गोसोआरि थामहिनबा गोथौ गोसोनि-जाय जिउमा एबा आध्यात्मिक, दोहोरोमारिजों सोमोन्दो गोनां ।

गिबि गिबि खुदिया सासेया नख 'रनिफ्रायनो गुदि सोलोंथाइखौ लायो । समाजनि दैसिन हान्जायानो जादों समाज । जिहेतु खुदिया सासेया गिदिरनिफ्राय नुनानै, खोनानानै सोलोडो, ओंखायनो नख 'र समाजनि गासै सोद्रोमाफोर गावबा गाव साफा सोद्रोम नोगोरारि जानाया गोनांथार । थानाय-जानाय स्ताइल, सिबिनाय, बाउनाय, बरायनाय, अननाय लोगोसे नोरुम आरो गुरै आखु आसार दिन्थिनाय थार बाथ्रा बुंनाय, न 'नि सोरगिदिं सिखोन-साखोन आबहावा आरिया खुदियानि गोसो आरो देहायारि जौगासार होनायाव मदद खालामो । न 'खरनि सोद्रोम आसार खान्थिया खुदियानि सायाव उन्दैनिफ्रायनो गोहोम गोलैयो आरो दोहोरोमारि, आध्यात्मिक सानस्त्रिया जौगा लांबाय थायो । बेफोरबादि सोलोंथाइखौ न 'खरनिफ्राय होनो

हाब्ला गथ' सासेया इउनाव मोजां आखल गोनां नोगोरारि जानो हागोन ।

गथ 'खौ सोलोंथाइ होनायाव बिमा-बिफायानो अराय सांग्रां थानो गोनां जायो । मा समाव मा जानो होनांगौ बेनि गुमुर लाखिनाय, देहायारि ब्याम सानफ्रोमबो खालामनाय, फरायनाय गेलेनायनि उनाव जिरायनाय लोगोसे उन्दुनाय थि समाव जानाय बायदि बिथिडव नोजोर लाखिनाया बिमा-बिफानि बिबान । गावनि बाहायारि आसार आखुनि गेजेरजों बिमा-बिफाया गथ 'नि थाखाय मोजां दिन्थिमहर जानो नांगोन । जायनि थाखाय गथ 'नि गोसोआव बिमा-बिफानि सिम थानाय सिबिनाय, अननाय एबा मोजां मोननाय सोमजिगोन आरो बिथांमोनखौ दिन्थिमहर हिसाबै गियान खालामगोन । बिमा-बिफानिफ्राय मोननाय गोसोआरि सोलोंथाइया सुबुंनो जिउनि थार गुमुरखौ होयो । जायनि गोसोआ दैमुबादि खोल खोल । बेबादि जिउमानि बिगुमाया बिमा-बिफा, फोरोंगिरि आरो गिदिरखौ मान होनो गोरों, आलासि बरायनो गोरों, उन्दैखौ अननो गोरों, बिबायारिनो हाथुमसे होनो गोरों, सुथुरखौ निमाहा होनो गोरों बिनो गोसोआरि सोलोंथाइनि बिगोमा जानो हायो । बेफोरनो सुबुंनि गिदिर दोहोरोम ।

जिउमा गिदिर गियाना फरायसालिखौ एंगारनानै आबुं जानो हाया । फरायसालिनि सोलोंथाया जोंनि गोसोआरि सोलोंथाइजों लोगोसे दिनै Science & Technology नि मुगायाव गोदान आथालनि सोलोंसाफोरा मोनफ्रोम आयदायावनो बादायलायनो गोनां जादों । सोलोंथाइ लानायाव, साखि लानायाव, गियान बुथुमनायाव बाइदि बिथिडव बादायलायनो गोनां जादों । ओंखायनो गोदान सोलोंसाफोरा जेसेबां

हायो बायदि आयदानि गियान बथुमनायनि गोनां जादों । दिनैनि फरायसाफोरा गोसोआरि, देहायारि आरो सोलोंथायारि बिथिडव गावखौ राफोद खालामनो हाब्लासो मुलुगनि जायखि जाया जायगायाव गावखौ गायसननो हागोन । बेनि थाखाय बिमा-बिफा, फोरोंगिरि आरो समाजजों लोगोसे गावनि मोजां गोसो, मोजां आखु, सम आरो नेम बादियै मावनायनि फारसे सांग्रां जानानै गावखौ गोखों खालामनो हायो । भारतनि जिउमा गिदिर सुबुंनि अनगा सरसनस्त्रा सुबुंनि गियाना फरायसालिखौ एंगारनानै आबुं जानो हाया । फरायसालिनि सोलोंथाया जोंनि थाखाय जोबोरैनो गोनांथार । जिस्नि-जिदाइन बोसोर बैसोसिम गथ 'नि नायनाय-थेनायनि मैखुमै बिमा-बिफा, फोरोंगिरिनि थाखाय न' आरो फरायसालिनि सिथ्ला गंनैनि मिछन एबा थांखि थायो । न'आव अननायनि गेजेराव थाब्लाबो उनखालि फरायसालियाव होनो गोनां फरानि थाखाय थियारि जानाय, लिरनाय-फरायनाय, जानाय, गेलेनाय, उन्दुनाय आरि खामानिनि गेजेरजों समा बारलाडे । ओंखायनो फरायसालियानो फरायसानि थाखाय गियान लानायनि थार सम । बेनि थाखाय फरायसालिनि आबहावाबो मोजां जानाया गोनां । गंसे मोजां समाज दानो नांगोब्ला फरायसालियावनो थांखि होसारनाय नीति गियान लोगोसे Extra Curricu- lum नि सोलोंथाइ राहाया थाथार नांगौ ।

नाथाय, आथिखालाव फरायसालियाव नीति गियान होनो हानाय बादि फरा फारि एबा उफेरा बिजाब मोननाय जालिया जाय बिजाब एबा आयदाखौ फोरोंनाय लोगो लोगो फरायसानिल 'नड फोरोंगिरिनि गोसोआरि बिथिडवबो गोहोम खोख्लैयो । बेफोरबादि आखल दानो हानाय गोसोआरि सोलोंथाइगोनां आयदा

एबा Moral Science लेखानि बिजाबफोरा जेनो फरायसालिनिफ्राय बिदाय लानो हमदों। थुनलाइ बिजाबाव मोनफा मोननै फरा, आयदा हिसाबै होनाय दंभ्लाबो खादासे ओंखियाव थाइसे बानलु बादिसो जादों। बेनिखायनो आथिखाल फरायसाफोरनि गेजेराव बांसिनखौनो गोसोआरि लोरबांथि नुनो मोनो। बिमा-बिफा, फोरोंगिरि आरो गिदिरखौ मानिनो रेंलिया। उन्दैखौबो अननो रेंलिया। मान होनाय, सहायनाय आरो खेमा गुणआ खोमै लांनाय लोगो बायदि गिखंथाव जाथाय समाजाव जाबाय थादों। एसे खोथायावनो नांलाय खोमलाय, सिखारनाय, सिखाव दाखाद, लांखारनाय आबुर सेनाय, निसा बेसाद बाहायनाय बाइदि बाइदि। दासान्दि जायखौ जों सरासनस्रायै सोलोंथाइ गोनां समाज बुडे बेयावनो सेंग्रा सिखलाल' नडा गाज्रिनिफ्राय गाज्रिसिन खामानियाव मुखुब जानाय सुबुंफोरनि गेजेराव फोरोंगिरि, धोरोम गुरु राजखान्थियारि, अफिसार,

डाक्टर-इन्जिनियार आरखि बोराइ बेन्थ 'नि गेजेरावबो गोबांदि दं बेनि धेर खोरं मोननाया दायो गुरलै जाबाय। समाजा गाज्रियै गोगा लांनो हमदों। बे गोगा लांनाय समाजखौ गोदान आथाला बोखांफिननो नाजानो नांसिगो। समाजाव सोलिबाय थानाय खोमसि फोथायनाय, गाज्रि सानस्रि, निसा बेसाद बाहायनाय, गाज्रियै थानाय जानाय फोरखौ समाजनिफ्राय बोख्लायनानै मोजां आखु आसार दिन्थिनो हानाय दोहोरोमारि गियानजों गंसे गोगगोम खोल खोल समाज दानो नाजानाया बयनिबो मोनसे गिलिर बिबान सफैदों। समाजाव मोजाड जोबनो गैया। गाज्रिया हांबोनाय लोगो लोगो खायसे मोजाडबो बिनि सेर सेर फाखि बिफांबादि गसंनानै थाबाय थायो। ओंखायनो आथिखाल जाखांफोनाय गोदान सोलोंसाफोरा फाखि बिफां सायख्लुमनि मददाव गावखौ थाजिम लाखिनानै समाजनि नेहाद सावगारिफोरखौ होखोमानानै समाजनि सासे थार सोद्रोमा हिसाबै बयबो खौसे जाब्ला इउन जुलैफोरा मोजां जागोनखौ मिजिं खालामनो हायो।

‘ग’वालपारा जिलानि बर’फोरा समाजारि आफाद दानाय सोमोन्दै

अनन्त कु. बर’

गोदोआव बर’या राजा-राइजौ दडेमोन बेखौ बयबौ मिथिगाव। समनि फाखोनाव बर’नि राजा-राइजौया सेथेर-बेथेर जानानै गोबोन हारिनि आखायाव थांजौबौ गावबा-गाव माहारि एबा हानजा लाना जाय जेरै सुबिधा मोनदों अरैनो थांदों। आसामनि बाइजायावबो हादाब जाहिनायखौ बयबौमिथियो। गोबां सुबुंयानो गावनि माहारि दुहरि फोरा सोर बिजा थांखौ जेबो मिथिनौ मोनाखायमोन। आगोलनि ग’वालपारा जिलानि (दैखं खोलानि) बर’फोरा गोदोवाव बबेनिफ्राय फैदोंमोन आरो मा समाव फैदोंमोन बेखौ थार बुंनो हायाब्लाबौ मिथिनो मोनाय बादिब्ला (1600-1700) माइथायाव बुलुंबुथुरखौ बारना फैदोंमोन। बेफोर बारनाय जायगा एबा घाट फोरा जाबाय एरै- योगिघफा-पनसरत्न घाट, दलगोमा-बुदुसर, मानिकाचार (धुबुरीथिं) आरो गुवाहाटि पानदुथिं फैनायखौ मिथिनो मोनो। बे समाव बुर्लुबुथुरखौ बारनाय मोजां राहा गैयामोन। थालिद दंफांखौ भेल (भुर) बानायना बांसिन हानजा फोरानो बारदों होनना बुडे। बेनि आगोलाव बे जागायाव बर’ एबा गोबोन सुबुं दडेना गैयामोन बेखौ बुंनो हाया बेफोर जिखिबा जाया बै समाव जौनि बर’फोरा बबे जायगाव बेसेबां बर’ सुबुं एबा न’खर देरदों बेखौ मिथिनाय जुबुद गोब्राब मोन। मानोना लामा-

खामानि मोजां राहा गैयामोन। मटर बा साइकेल गैयामोन। लासै लासै जायगा जायगा साप्ताहिक हाथाय-बाजार जानो हमबाय बे हाथायफोरा जाबाय-धुपधारा, रंजुली, दरंगिरि, आमजंगा, दुधनै, दामारा, दलगोमा, बुदुसर, कृष्णाइ, ग’वालपाराबादि हाथाय बाजारानो मानसि लोगो हमलायनाय मोनसेल राहामोन। बेबायदिनो मिथिज्जायना बेहामजो लांनाय लाबोनाय, दाहाना-रुवाथि थानाय फोरानो बर’नि थों फोर मिथिज्जायो। 1800 माइथायनि गेजेर समाव सारा आसामनि बर’फोरनि लोगोसे जौनि दैखंखोलानि बर’फोराबो जुबुद असुबिधायाव गोग्लैदोंमोन। माखासे गोबोन हारिया बर’नि सहज-सरलखौ सुबिधा लानानै गावसुनि हारिनि उपाधि फोरखौ लाहुदोंमोन-दास, थाकुरिया, सरकार, पाटगिरि, चौधरी बाइदि बाइदि। इजा फारसे खृष्ट्यन धोरोमयारि फोरा धोरोमखौ लाहोनाय नाजानाय आरो शंकरी-बैष्णब फोराबो गावनि धोरोमखौ लाहोनो नाजादोंमोन। बेफोर बाइदि गावनि हारिनि सुबुं फोरा गुणीनि धोरोमखौ लानायनिफ्राय मा बादि गावनि बर’ सुबुंखौ खौसे लाखिनो हायो बिनि राहा नागिरना माखासे सांग्रां बर’ सुबुंफोरा साप्ताहिक हाथाय बाजारफोराव थुबुर जाना गावनि हारिखौ मा बाइदि (सुबुंफोरखौ) गोरा खालामना लाखिनो हायो बेनि राहा नागिरना

रयलायबाय थायो । 1889-90 माइथायनिफ्राय बेसेबां बार रयलाबाय थाबाय हाथाय बाजाराव नाथाय उनाव बिथांमोना मोनसे थिरांथा लाबाय जों बेबाइदि रयलाय बायथाना जेबो रहा मोन्नाय नड जों गासै ग'वालपारा जिला हिसाबै मोनसे जेनेरेल आफाद दानो नांगोन होन्ना थिरांथा लानानै 1910 माइथायआव मोनसे जेनेरेल आफाद दायो आफादगिरि कमला कान्त कछारि, तहसिलदार आरो नेहाथारि गंगा चरण कछारि आफादनि मुंखौ लायो "हाब्राघाट बर' सन्मिलन" 1912 इं माइथायनि दरंगिरिआव जानाय नैथि जुथुमायाव समाजआरि माखासे नियम नीति दाय-दुफार फोनि सायाव आफादाव थांखि लानाय आरो गुवारै रयलायनाय बाश्चा फोरखौ फारियै मुजाडै लिरनो थाखाय नेहाथारि गंगाचरण दास-कछारिनो बिबान होनाय जायो । 1913 इं माइथायनि आमजंगयाव जानाय माइथायारि जथुम्मायाव बे आईन लिरना दिहुन्नायखौ गनायथि होयो आरो साफायना दिहुन्नो थांखि आजावना लायो । 1915 इं माइथायनि आमजंगा (देउलगुरि) गामियाव जानाय माइथायारि जथुम्मायाव "बर'नि फिछा अ आइन" मुंनि दिन्नाय आइन बिजाबखौ बेखेवना राजा राइजोनि गेजेराव फोसावनो हगारना होनाय जायो । बे आइन बिजाबा लिरनाय नियम-रिति-निति मते बर'फोरखौ खौसे खालामनो आफादनि गेजेरजों जुबुद नाजागासेनो दडेमोन नाथाय 1910 इं माइथायाव कालिचरण ब्रह्मआ ब्रह्म धोरोमखौ आजावना उत्तरपाराव फोसावदोंमोन आरो 1920 माइथायाव जोंनि दैखंखोलायावबौ धोरोमखौ फोसानो फैदोंमोन । बिथानि सान्नाया मालाय हारिजों थगाय जानाय, गुबुन धोरोमाव बारस्लायनाय बेफोरखौ हमथाना बर'खौ खौसेयै गोरा खालामना दावगानाय

हारिजों समानै आवगाय लांनाय । उदेशआ जुबुर मोजांमोन । गोबाडनो ब्रह्म धोरोमखौ आजावना लादोंमोन नाथाय माखासे खामानि फारिखौ ब्रह्म धोरोम लाखांना सुबुंफोरा दुखु मोनबाय खामानि फारिया जादों-ब्रह्म धोरोम लाब्ला बर'नि खाम-सिफुं दामनाय-देनायफोरखौ गारनो नांगोन आरो बर'नि दखना गारना गफुर मेखेला चादर गाननो नांगोन आरोबौ अमा-दाव, ना बाइदि फिचिनो मोना जानोबो मोना । गोबां सुबुं फोरनि अमा-दाव फोरखौ बुथारना होयो आरो बाहा फोरखौ सावजोबना होयो । जुमाय लुंनो मोना बेखो बइबो गनायना लादोंमोन । नाथाय बिथांमोननि नखराव थानाय जोंगा दु-दखोला फोरखौबो बुखेब जोबनाय जायो । बे बाइदि खामानिखौ दुखु मोनना गोबाडनो ब्रह्म धोरोमखौ गारफिन्ना बाथौ धोरोमआनो फैफिनो । हाब्राघाट बर' सन्मिलन (बर' बारदल) या अब्लाबो बर'खौ खौसे खालामनायखौ नाजागासेनो थाबाय समाजारि आफादनि बिबानगिरिफोरनि मदद लानानै गोबां सोमावसारनाय फोराव बर'फोरखौ बाहागो लाफादोंमोन जेरै भारत उदांसि आन्दोलनअ बर'नि नाम गैयाब्लाबो जोंनि दैखंखोलानि बर'फोराबो मदद हेफाजाब होफाना समानै आन्दोलन खालामफानायखौ जों मिथिनो मोनो, गोबां कारननि (जाहुननि थाखाय) हाब्राघाट बर' सन्मिलननिफ्राय दक्षिन ग'वालपारा बर' बारदल, उनाव ग'वालपारा जिला बर' बारदल अंखारो । जाहुखौ गोबाडनो मिथिगावब्लाबो एसे बुंनि आगोलावनो गोवालपाराया उत्तरपार दक्षिनपार दोडोमोन-कोकराजार, धुबुरी थांनाय उनावबो अबिभक्त गोवालपारा दडेमोन बेनिखायनो दक्षिन ग'वालपारा बुंनाय जायोमोन । 1984 माइथायाव

अबिभक्त ग'वालपाराया गोयानिफ्राय खालि ग'वालपारा जिला बर' बारदल मुं लायो। गोबां सुबुंआनो सुडे बर' बारदलनि ओंथिया मा बुंन खायफाया एरैबो बुडे-बारदला ना बाराय दल नाथाय ओंथिया बे नड मोनसे समाव जॉनि गाव-गावनि गेजेरावनो आंनि माहारि (उपाधिया) गेदेद, खायफाया बुडेमोन आं तुलसियारी खालि जॉल बामोन जानो हायो। बे बादि एसे इना इनिबो दोडेमोन। ओंखायनो बर' बारदला मोनसे थिरांथा लायोदि बर'नि 12 (जिनै) माहारिया रावबो माहारिया गेदेद उन्दै नड बइबो माहारिया समान गासै माहारिनि सुबुड उपयुक्त हिसाबै खामानि मावलांनो हागोन। बर'नि उपाधिया जेसेबां थायामानो नाथाय बर'नि माहारिया 12 (जिनैया) लां ओंखायनो 12 जिनै माहारिनि समानै दाजानाय आफादखाय बारदल बुंनाय जायो बर' माने असमिया सोदोब-12 (जिनै) माहारिनि दल (आफाद), मुड जिखियानो जायामानो दैखंखोलानि समाजारि आफादफोरा बर'नि अलखद समाव थाबैनो खौसे जानो हायो, बेआव बर' बाथौ, ब्रह्म, खृष्टान जेबो फारागथि लाखिया। जेरै बर'नि हांखौ दाबिनाय आन्दोलन, एबसुनि बड'लेण्ड सोमावसारनाय बेफोराव गावनि धोरोम बाश्राखौ रावबो साना, खालि गावखो सासे बर' होनना सिनायथि होयो। दानि मुगाया दावगानाय मुगा जों बर'फोरा खौसे जानाय सम फैफिनबाय। आं बाथौ, आं ब्रह्म, आं खृष्टान एबा आं गुबुन धोरोमारि बर' होन्ना रावबो हारसिं-आवगायलांनो हानाय नड। दाबोनो जॉनि बर'फोरखौ खौसे खालामनाया गोरलै दडे। आं आशा खालामो दानि जाखांबोनाय फरायसा फरायसुलि आरो एबसु, साहित्य सभा, आबोफ बाइदि अराजनैतिक

आफादफोरा खौसे खालामनो नाजानायखौ। समाजारि आफाद हिसाबै जोंहा बर'ब्लाबो समाजनि आलि (बान्स) एसे थायैब्लाबो जों अराय सम समाजनि आइनखौ गोरलै खालामनो नाजायो आरो समाजखो जौगा होनाय रहा लायो ओंखायनो बारदला थांनाय इं 1955 माइथायाव कृष्टि आफादखौ दालाइ आफाद दाफायो आरो 1961 इं माइथायाव आइजो आफाद उनाव इं 2006 माइथायाव धोरोम आफादखो जोनोम होयो। बे मोनथाम दालाइ आफाद दानायनि जोबोद गोनांथि दोडे। समाज फोसाबनायजों राव, हारिमु, धोरोमारि बायदि बिथिंखौ जयै दावगालांहोनो नाजालांनो जयै आफादखौ जोनोम होयो। बर' फिसाफोरनियाव बे आफादनि मोनफ्रोम बिबानखौ आखायाव लानानै खामानिखौ मावलांनांगौ जानानै फैबाय। गामि न'खराव सोलौंथाइ गोरों-थुनलाइगिरि, खाम-सिफुं देंखो होनो गोरों कृष्टि मोसानो गोरों सुबुंआ सिगांबोनांगो जाबाय। आइजोफोराबो दावलांनाय एबा दिनथनाय आखायनि खामानिफोरखौ मावफिन्नो नांगो जाबाय। बिमायानो गथ' एबा फरायसा फरायसुलि फोरखौ न'खरनिफ्रायनो, राव, धोरोम, समाजाव मिलि-जुलि थानाय फोरखौ फोरोंनो नांगो। जाय सुबुंआ उन्दैनिफ्राय समाज, धोरोम, राव, गाव हारिनि कला-कृष्टि मिथिया बा लोब्बा थाया बे बाइदि सुबुंआ गोबोन जायगायाव थाहिब्ला बा साख्रिमावना थाब्ला गावनि हारि-धोरोम राव गासैखौबो बावलांनो हागो बिनि फारसे बर' सुबुंफोरा सांग्रां जानाया गाहाम। अब्लासो जों बर'फोरा आगुवाइ लांनो हागोन आरो गावखो सासे बर'नि फिसा होन्ना सिनायथि होनो हागोन। □

आंखालआव मिजिंनि फेलें

अनामिका खाख 'लारी
B.A. 5th Sem

धुपधारा ओनसोलाव थानाय भिमराव मुंनि सासे आबादारि। बिसोरनि न'खराव बिसि-फिसाय आरो गथ'-ग'थाय सानैल'। भिमरावनि बिसिनि मुंआ- साबित्री, फिसाजोनि मुंआ -मैनास्त्री (21 बोसोर बैसोनि) आरो फिसाज्जलानि मुंआ- मिजिं (15 बोसोर बैसोनि)। भिमरावनि न'खरआ आबाद मावनानै माइ फाननानै जायाब्ला न'खरआनो सोलिया। भिमरावआ खामानि मावनानै जाग्रा सुबुंखाइ गोहोखौल' मिथियो।

मिजिंआ जि थाखोआव फरायनानै दं। फरायनायबो मोजांथार जा फरायो बेनो गोसोआव थायो। थाखोआव लाथाव 1 (से)। फारफ्रोमबो आखा-फाखा बेखाय फोरोंगिरिफोराबो अनो आरो लोगोआबो बांसिन। फरायसालिआवनो गामिआवबो बयजोबो बाख'नाय जाथाव मिजिंआ।

आघन दाननि सम मिजिंमोननि न'खराव माइ हानाय, फोथारनिफ्राय दांग्रि रगानाय, माइ मारा नानाय आरो माइ सिबनाय खामानिआव मुखब। फारसेथिं मिजिंनि मोखांआव HSLC आनजाद दानथाम दानब्रैनि उनावनो। नाथाय बिफाया गोहोखौसो फोथायो। बेखाय मिजिंआ फरायनायजों लोगोसे खामानिखौबो समान समान मावफायो।

समबारखालि फुंनि 4.00 रिगायाव भिमरावआ दाव गिसारनाय लोगो लोगो मारा नानो हाखु-दाखु

सिखारबाय एम निफ्राय। बिसि साबित्रीयाबो सिखारबाय लोगोसे मैनास्त्री आरो मिजिंमोनखौबो फोजानानै होबाय। मिजिंआ हाखु-दाखु सिखारबाय फरायगोन सान्ना। बिमाया लेखा फरा रोडिब्लाबो आधिखालआव फरायनायनि गोनांथिखौ मिथियोमोन। बेनिखाय मिजिंआ सिखारनाय लोगो लोगो बुंबाय, "बाबा, हाथाइ मानजिनानै गोसो होना फरायहैद' दसे आनजादआ मोखां मोनहैदों।"

मिजिं: जागोन आइयै।

मिजिंआ मोखां होगारना दोंनै लारिसो फरायबायसोल' बेयावनो बिफाया बुंबाय, "खामानियाव नांफै फरायबाय थाबोलाखि सोरबा जाहोगोन। फरायनोथ' नाड बुडखै आं। नाथाय खालि फरायबायल' थाबोला बबाव मोनजागोन खामानिखौबो समान समान मावफानो नांगोन। आंहा दिनै गोहो गैयामोनब्ला आंखि नोंसोरनो बेफोरखौ खालामनानै जाहोनो हागौमोन। दाखि नोंसोर मोनजागौमोन। बेनिखाय गोहोआनो देरसिन।

मिजिंआ मोखां सोम सोम जाना थाबाय। बिमाया फिसाज्जलानि मोखांखौ नुनानै हमनो हानायखाय बुंफिनबाय, "बाबु बिफा, फरायथों दे बियो। आनजादआ मोखांआव मोनफै दों। फोरोंगिरिफोराबो गोबां नोजोर होदों।

मिजिं बिफाया खोनानाय लोगो लोगो

बिसिखौसो रगा जोंबाय थिवरिया थिवरियानो ।

सेथि मासि लानानै उथ्रिसार जानो हानायनि

बिफा: नै बिमा नॉनिआ खालि फरायनाय फरायनाय नॉनो लाइ होदों बेफोरखौ । आंहा सोलोंथाइ गैया आंखि नॉखौ जाहोनो हायाखै ।

थाखाय दाब दाब जायगायाव मान बिलाइजों, आर'- नायजों सनमान होजादों आरो लोगोसे दाब दाब जायगायाव रंनिबो मदद मोनदों । ABSU निफ्राय

बिमा: बिदि खोथा नडा बाबु बिफा आथिखालआव गोहोबो नांगौ सोलोंथाइबो नांगौ ।

आरो MLA निफ्रायबो Scholarship मोनदों ।

खामानिखौथ' बाबुआ मावखायो नो मावा नडा ।

H.S. 1st year नि फरायनायनि खरसाया Schol- arship जोंनो सोलिलांबाय । H.S. 1st year आवबो

बेलासियाव मावगोन ना बियो जोंजों समान समान ।

मोजाडै-नो उथ्रिसार जानो हाबाय बियो । दानिया, दा फुंनि समखौ एसे फरायनो होद' । फोरेंगिरिफोरारबो

मोजां फिथायनि आसा खालामबाय दं । माबोरैबा आनजादनि फिथायआ गाज्रि जाब्ला मिजिंआ

मिजिंआ H.S. 2nd year आव मुं थिसन्नो फैसा नांगौखाय बिफानियाव बुंबाय, "आफा, मुं थिसन्नो फैसा नांगौमोन आफा ।"

फोरेंगिरिफोररनि सिगांआव माबोरै मोखां दिहुननो ।

बिफा: आफा (खर'आव एसे बिलिरनानै)

बिफा: अ', नॉथ' जोबोद रॉनाय जाबायना आजिखालि । आंखि फरायनो होवाखै बेखौ हा । एसे

फरायनायखौ बादखौनो होद' नामा? आंहा माथो फरायहोनो हानाय लामायानो गैयासि जेथिंबो ।

खामानियावसो हेफाजाब खालामनो बुंदों आं । आं बादि लेखा रोडि नडब्लाथ' थानोनो हानाय नडमोन

फारफ्रोमथिंबो दाहार लाबोनाय, सुट लाबोना दिन्नाय दं । नों गावनो जुदि माबाफोर राहा दिहुन्नानै फरायनो

बे न'आव ।

हायोबा फरायद' ।

बिमा: बिफा मोननि बेबादि खोथाफोरा गोरानिफ्राय गोरा जानायखौ नुनानै मिजिंआ

बे खोथाखौ खोनानै बियो हांखौनो लानो बावगारनाय बाइदि मोनबाय । दुखुजों सोलेरआनो

बुंफिनबाय, "माखौ एसेबां दावराव खालामदों । आं फेदों नोहै मावनो ।" (मैनास्त्रीनिथिं नायनानै) "आब' गोसो नाथाय माबोरै फरायनो बहा रं मोन्नो गावबो

पेरेलाइस जानाय बादि मोनबाय बियो । गावहा फरायनो गोसो नाथाय माबोरै फरायनो बहा रं मोन्नो गावबो

नोडे साहा फोदोंहै आं एसे हेफाजाब खालामनि आइ मोनखौ ।"

खामायनो हानाय जायाखै । बे खोथाखौ सानै सानै हराव ओंखाम मुथासेखौनो मोजाडै जानो हायाखिसै बियो ।

मैनास्त्री: अ' जागोन दे ।

उन्दुनोबो हायाखै, मेगनखौ मोसेबले खेवले मोसेबले खेवले खालामिनो खालामिनो माब्ला बियो उन्दुलांखौ

बिदिनो सानफ्रोमबो सोलिलांबाय मिजिंनि सानफोरा फरायनायजों समान समान खामानियाबो ।

गमखौनो मोनदेयासि बियो । मिजिंआ बयखौबो रायदावला सिरि सिरि थाग्रा, हारसिं थाग्रा जाबाय ।

मिजिंहा जेबो बेराम आजारबो जायामोन । जानो हागौ खामानिखौ गोख्रोडै मावनायनि थाखाय देहायाव जेबो

बिदिनो सान्नैसो थांनाय उनाव गामिनि गुदि फरायसालिनि फोरेंगिरि Sir बिथांआ हरखाबनो

बेरामआनो आवग्रिनो हायाखिसै बिखौ । बियो आनजादखौबो सेथि मासिलानानै मोजाडै नो उथ्रिसारनो हाबाय ।

बेरामआव गोग्लैनानै अबथिरानो थैबाय । दा गामिनि फरायसालिखौ सामलायनो थाखाय मोजां लेखा गोरें

सुबुंनि गोनांथि । गामिआव बारा लेखा गोरों सुबुंबो गैया । रायजो राजाफोरा आफाद मोनसे खुंबाय । आफादआव मिजिंखौनो बे Death post आव हाबनानै थानो थाखाय रायजो राजाफोरा खावलायबाय ।

मिजिंआबो सानबाय बेखौ गनायनानै लानायानो हामगोन नामा होनना । बेखौ मावब्ला फैसा मोनगोन (बेथन मोनगोन) आरो बे फैसार्जों आं गावनि फरायनायखौ फोजोबगोन । बे खोथाखौ साननानै मिजिंआ गनायनानै लाबाय ।

बेबादिनो मिजिंआ फोरेंगिरिनि खामानिखौ मावनो हमबाय । बियो फोरेंगिरिनि खामानिखौ मावैनो मावैनो गावनि फरायनायनि थाखाय समखौनो मोनलिया जाबाय । फरायसालिमायावबो थानोबो सम मोनलिया जाबाय । खामानियाव सानसे फैयाब्लानो गथ 'फोरा दावराव-दावसि खालामो अब्ला रायजो-राजानि मानसिफोरा अजद होफैयो । बिदिनो सानफ्रोमबो दिनफोरा बारग 'लानो हमबाय मिजिंनि Higher Secondary Final आनजादआबो मोखां मोनफैबाय । नाथाय मिजिंआ फरायसालिनि खामानियावनो मुखब थानो गोनां जायो ।

मिजिंआ मा खालामगोन मा थागोन जाबाय । बियो सिन्थायावनो Depression आव गोग्लैनाय बाइदि जाबाय । खामानिखौ नागारनो सानो नाथाय फैसा बहा मोनगोन बेखौबो सानो । फरायनो, फरायसालिमायाव थानो नागिरो नाथाय सम मोना । न'आवबो रावबो मदद खालामनो हाया । दुखु-जालार्जों बियो सानफ्रोमबो उन्दुनोनो हाला । उन्दुनो ओंखारनि थाखाय जौ, बिरि, सिगारेट सोबग्रा जाबाय । सानफ्रोमबो जौ लोडाब्ला उन्दुनोनो ओंखारला मिजिंहा ।

फारसेथिं गामिआव मिजिंनि जौ लोंनाय खोरांआ सोरगिदिं खुगा खुगा गोमसारनो हमबाय । बयबो बिखौ गाज्रि गाज्रियै बुंनो हमबाय । जौ लोंनायनि थाखाय बिखौ गाज्रि आखुनि होन्ना खामानिनिफ्राय दिहुन्ना होबाय ।

दानिया, मिजिंआ सासे लेखा गोरों नाथाय बेखार जानानै थाबाय । गामिनि गला दखाननि सिगाडव थानाय बैसाडव जनानै आद्दा होलायग्रा जाबाय । मिजिंआ गामिनि गला दखाननि सिगाडव जनानै हान्जा हान्जा बेखार सेंग्राफोरजों केराम गेलेनानै माब्ला फुं माब्ला हर जायो हमनोनो हास्लाबा बाइदिसो जाबाय ।□□

सोलोंथाइ आरो समाज जौगानायाव बेनि गोनांथि

हिना कछरी
B.A. 1st Sem

सोलोंथाइ (Education-) होनब्ला जों बेखौनो बुंनो हायोदि सोलोंथाइया जादों मोनसे बाहागो (Process) जाय जोंनि जोनोमनिफ्राय जागायनानै जोबनाय बुब्लिसिम थामहिनबा थैनायसिम सोलियो। सोलोंथाइया सासे सुबुंखौ गासै बिथिनिफ्राय जौगानाय लाबोयो। जैरै- गुबुनजों माबादि आखु दिन्थिनांगौ, (Modification), समाजारि (Socially), सोलेरारि (Physically) आरि बायदि। सोलोंथाइ गैयाब्ला सासे सुबुड जिउआव देरहासाद जानो हाया। समाज जौगानायाव बेनि बिहोमाया मख 'जाथाव। सोलोंथाइनि गेजेरजों सासे सुबुड गावनि साननो हानाय गुन, गियान बायदिखौ जौगाहोनानै समाज जौगानायाव खामानि मावनो हायो। नाथाय सोलोंथाइ गैयाब्ला गथ' सासेया उन गोलैसोना थायो। गोबां जेंनानि मोगामोगि जानो गोनां जायो। बिनि बिदिन्थि महरै जों खोमसि फोथायनायनि सोमोन्दै मख 'नो हायो।

गोदोआव सुबुड सोलोंथाइनि सोरां मोनैयाव मोजां गाज्जि साननो रोडैयाव गोबां गाज्जि खामानि मावदों। जैरै- दायनि सिथारनायनि सोमोन्दै बुंनो हायो। जेराव जेबो दाय गैयि गोखिब न'खरनि सुबुंखौ दाइनि

साजायनानै साजा होयो आरो सिथारोबो। आथिखाल सोलोंथाइ मोननायजों सुबुंनि साननो हानाय गोहोआ बांदों। जायनि जाउनाव बेफोर जेंनाफोर खोमिबोनो हमदों।

समाज जौगानायाव सोलोंथाइनि गोनांथि-

(क) समाजनि बेरेखा खामानिखौ होबथानाय : जों नुनो मोनोदि गोबां जायगाफोरवनो सुबुंड खोमसि फोथायनायखौ लानानै गोबां समाजनि बेरेखा खामानि मावगासिनो थायो। बिनि बिदिन्थि महरै-गोहोआव सति सावनाय, उन्दै बैसोआवनो हाबा होनाय आरि। बेफोर गासैबो गाज्जि हुदाफोरा सुबुंड सोलोंथाइ मोननायनि थाखाय गैया जादों। सोलोंथाइआ जोंखौ समजों लोगोसे सोलायनाय लाबोनायाव मदद खालामो।

(ख) गासैनोबो समान मोनथाइ होनाय : सोलोंथाइआ गासैबो समान मोनथाइ जौगानायाव मदद खालामो। हौवा आरो हिनजाव, गोखिब आरो धोनि थामहिनबा गासै बिथिडववनो हारि, धोरोम, गाब, राव सायख'आलासि गासै बिथिडववनो समान मोनथाइ होनाय।

(ग) गासैखौबो आंगो साननाय : समाज गंसेयाव

माब्रै अनलायनानै आरो बयजोंबो गोरोबलानाय थानांगौ बेफोरखौ जोंनो सोलोंथाइआ फोरोडे । जों समाज गंसेयाव गासैबो न 'खरसेनिबादि साननानै गासैखौबो बिदा-फंबाय, बिब'-बिनानाव, गेदेरखौ मानिनाय उन्दैजों अनलायनानै गोरोबलायना थानांगौ ।

(घ) सोलोंथाइया गोदान समाज दानायाव मदद खालामो : सोलोंथाइनि गेजेरजों सुबुं सासेया गोदान गोदान बाश्रा (Information), गियान (Knowledge) मोननो हायो । बेफोरनि गेजेरजों सुबुड गावनि जिउनि मोजां गात्रि बाश्राखौ सायख 'नानै समाजनि मोजां मोजां खामानि मावनो हायो थामहिनबा समाजनि जौगानाय हाबा मावनो हायो ।

फोजोबनाय (Conclusion) : जायखिजाया गोजौनि सुंद' सावरायनायनिफ्राय जों नुनो मोनोदि सोलोंथाइया समाजमोनसेनि जौगानायनि थाखाय गोबां बिहोमा होयो । सोलोंथाइ मोनब्लासो सुबुड गावनि जिउआव देरहासाद जानो हायो । सोलोंथाइ गैयाब्ला एबा गुबुन जेबो बाश्रा (Information) एबा गियाननि (Knowledge) सोमोन्दै गैयाब्ला सुबुड आरो समाजबो गासै बिधिडवनो उन गोलै सोना थानाय जों नुनो मोनो । समाजनि जौगानाय लाबोनोब्ला जों गिबियावनो गासैबो सोलोंथाइनि सोरां मोननांगोन अब्लासो समाजजों लोगोसे सुबुंनिबो जौगानाय लाबोनो हागोन ।

जारिमिननि फावथिना नंखाय नामा

निर्मल बर'

जारिमिननि फावथिना नंखाय नामा
गोदोनि बाश्रायासो दिनैनि जारिमिन
बै जारिमिनखौ बावलाडेबा
हारिया हारि जानानै थांनानै थागोना,
गावखौ बावगारोबा हारि थाबावगोना !
गोदोनि सैथोखौ दिनैनि जारिमिना
नेवसिनो नागिरो नड होनना,
हारि फोजोबनायनि हाबाफारि जागायजेन्दों
आखाइ नाइदों सोर ?
न 'खरनि गाहाइ खुन्थिया
इन्जुराव थावरिना दं
हमथानानै लाखिगोन सोर !
गैयामोन नामा गोदो गोरोन्थि
दिनैनि दिनाव
आसि थुनानै दिन्थिबा
सिं बायो मानो !
जारिमिना खुगा बेखेवबा
सोरनि गोसोनि मेगन मुसुर मावदों
मिथियाबा आंखौ लाजिदाफोनां ।
फावथिनायाव दंमोन मोनसे हारि जाना
दिनै बुथारदों बबे खोन्दो खोन्दो खालामना
दा आरोबाव मिथिनानैबो
मिथिस्लाबा, हमदांनो हाया गावखौनो
बिसोरनो बुथारगोन नामा बाहागो खालामना !
जारिमिननि फावथिना नंखाय बुडे नामा
नंखाय बुडे नामा !□

दुखुथिया आं सासे बिबायारि

अनजिमा स्वर्गीयारि

B.A. 1st Sem

दुखुथिया आं सासे बिबायारि
गैया आंहा दिनै गावनि आंगो असे ।
आइ-आफा, बिब'-बिदा
गामि गिदिं सोहोर गिदिं
बिबायदों आं न 'खर न 'खर
दसे समनि थाखाय उदै सुफुंनो
बिबायो आं ओंखाम मुथासे
जेथिंबो बिबायदों होखार जानांदों ।
थुज्रेतदों लावथिजों बुज्रेतदों
सोरबाया अन्थायबो खुबैदों
आंखौ फाग्लि साननानै ।
गाबदों आं हाजासे
मेगननि मोदै गजासे,
खमसिन सुबुंआ अनदों,
बांसिन सुबुंआ मुगैदों ।
सोर मिथिनो, सोर बुजिनो
आंनि बे दुखुथिया जिउखौ ।
बिफां साया नागिरनानै

जिरायो आं साया सिंआव
सिमां नुयो आं थेनथावज्रिद जानानै
बागदावखाडे आं सिरि सानानै
हावरिया खाफाल आंनि बे बिबायारि जिउ,
मिथिबाय बुजिबाय आं
बिबायारि दुखुखौ ।
दंमोन आंहाबो फिसा सिमां
गोजौ थाखोआव सोल्लोथाइ लाहैनो
नाथाय आंनि बे बिबायारि जिउआव
फरायनो आं माबोरै ?
मेगननि मैखे खाथेनाय बायदि
जालांबाय आंनि जिउआबो ।
सोर मिथिनो सोर, बुजिनो
आंनि बे दुखुथिया बिबायारि जिउखौ ।

दख 'ना

निहोर

मनिसा बसुमतारी
H.S. 2nd year

निसामनि बर'

दख 'ना गानना ओंखारगोन
सिनायगोन बर' होनना,
गोमो दख 'ना-गोजा फास्त्रा
खाफालाव फिनगोन फ'था
बेसेदि समायगोन बर'
बिमा आइखौलाय ।
दख 'ना गानगोन समायना
नुगोन बयबो सिनायगोन
बर' होनना ।
बयनिबो सिनायथि थायो
हारसाया गानगोन मेखेला,
बर'आ गानगोन दख 'ना,
जोंनि बर' हारिनि सिनायथियानो
जादों दख 'ना ।

फुंनि निहोरा
फुंबिलिनि सोरां रोदाजों
हाथरिखि बादि रिथि-रिथा जोंथिदों
दुब्रि हाग्रायाव ।
निहोरनि बे जोंथिखौ नुनानै
आंनि गोसोआ बेखौल' नायनो लुबैयो
अरैबादि लुबैसो
नोडे आंनि मेगन सेरावल' थायो
निहोर नोंनि जोंथिया आंनि गोसोखौ बेंग्रा ।
बे फुंनि निहोरा दान्दिसेनि थाखायल' नड
अरायनि थाखाय थालाडे जेन
आंजों..... ।

आंनि गामि

मिरनालि बसुमतारी
H.S. 2nd year

समायना आंनि गामि
गय खान्थाल सारि सारि
हाजौ हाला लारि लारि
गलिआव मोसौ फख्रियाव ना
बेसे समायदों आंनि गामिया ।

दखरसे गेलेग्रा फोथार
दब्लियाव माइ आबाद
न'आव दं बिबार बागान
बिबारनि सायाव बादों सिखिरि,
बेसे समायदों बेसे रमायदों
बे आंनि आंगो गामिआ ।

दालाय जोंहा सम गैया

दिजुमनि खाखलारी

सम गैया सम गैया
जोंहा एरैनो थानो सम गैया
बोहैनाय दै बादि अराय सम
अराय जिउ जोबजासिम
जोंहा जिरायनो सम गैया ।
जोनोम जाबाय बे बहुमाव
नुबाय जों बे मुलुगआव
जिउ खांनायनि राहा
बोथिसे जानायनि राहा
देरबाय लावबाय गियानि जाबाय
एसे फोरेंनो हानाय जाबाय
सम गैया सम गैया
जोंहा दा एरैनो थानो सम गैया ।

“माबोरै”

पलाखि बसुमतारि

आखायनि आगर क, ख, ग, जों
बेरायग्लानाय आनि हाबिला बिदां,
दाहार गोनां जिउ, दायगोनां मोन्दांथिफोरा
सोंफ्लेबाय थायो गावखौनो गाव,
सुख 'नो मोननायनि राहा आरो खाबु।

साम', खिंखिनि हिसानसालियाव
आलुरि आगरनि आखाया जेन बोथोरनि दाय नड,
बासिख' बासिख', सोमहाब माहाब गनसा
बिजौआ
जस्लिंहां, मानबायहांनो जेन भावथिनासो खालामो।
बोथोरनि निदाना गोबोखौ सिगिफैब्लाबो जेन
नों खारगवा, नों मेंनो मोना।

जायनि सिमां फोसाबनो नाजायै नाजायै
नागारसारनायनि माला गोदानायाव गाननाडे,
बिनि गोबोआसो निलाम जानाडे
थार सैथोनि हाथायसालियाव।□

माब्ला जागोन खौसेथि

पंकज खाखलारी

B.A. 5th Sem

खौसेथि खौसेथि खौसेथि
जेराव थाडे बेयावनो खोनायो
गावजों गाव खौसेथि जालायदो,
गेदेमा सुबुं मानि बयबो बुडे
खौसेथियानो बुहुमनि देरसिन गोहो।

मिथिं दावथिं थाडेब्ला
सरासनस्रा सुबुंफोरखौ बोसोन होयो
बयबो खौसेथै गोरोबलायदो
हारिखौ गेरेमसा महर होदो।

नाथाय जेब्ला फैयो गोहोनि बाथ्रा
जायो अब्लासो गावस्रा गावस्रिया
गावसोरनि गेजेरावनो एना एनिया
जाहैयो बेयावनो खौसेथि गैयिया।

जायखौ नुयोब्ला साननांगौ जायो
गोहोनि लुबैनाया दंमारो,
बयनिबो गोसोआव
थानो सानमारो बयबो खर' सायाव।
नागारनाय नड जों जेब्लासिम
गोहोनि लुबैनायखौ
खालामनो हानाय नड जों अब्लासिम
खौसेथि बे बर' हारिखौ।□□

गोसोनि लुबैनाय

बिमा राव

रैमालि बर'
B.A. 3rd Sem

नयनमनि खाखलारी
H.S. 2nd year

रिउ रिउ गोजान जेरै-
लैथुमानि रुगुं बेबायदि
रोमै रोमै आंनि गोसोनि लुबैनाय ।
माब्ला मोखथां जिउआव जाफुंगोन
बेख्रौ मोनथिना मोना ।
खुवाया जेरै गोलोम बोथोराव
थाखोमानानै थायो आरो
गोजां बोथोराव नुजा फैयो
बेबायदिनो आंनि जिउनि
हास्थायनाय लुबैनायाबो
सम-सम नुजा फैयो ।
नाथाय नुस' हरै रोमै-रोमै ।
सानो आं सिमांख्रौ
मोगथां जिउआव जाफुंहोनो
नाथाय खोमसियासो साग्लोबसिनो ।
जेरै समजों लोगोसे
बैसो आरो बोसोर बारलांगासिनो बेबायदिनो
आंनि गोसोनि हास्थायनाया
मोगथां जिउआव जाफुड बालानो
रोमै रोमै जानानैल' थालांसिगोन नामा ?

असे बिमा राव बर'नि
आंगो हारिनि हारिमु
गोदै सिमां सुजुयो आं नोंख्रौ लानानै ।
रावबो नोंख्रौ मुगैया,
रावबो नोंख्रौ नेवसिया
सोरबा मुगैयोब्ला एबा नेवसियोब्ला
बियो बिनि गोरोन्थि ।
आय' हाबाव असे बर' बिमानि राव
बेसे समाइना बेसे रमाइना
जोंनि बिमा बर'नि रावआ ।
दावगा लांबाय था नों बिमा बर'
नोंजों गाहैगोन आंबो,
मुलुगनि दरखं सिनायथि हैगोन
असे बिमा राव बर'नि ।

मिजिं

गोसोआव लाखि

दिव्यज्योति बसुमतारि

रोनजै स्वर्गीयारि

H.S. 1st year

सुखु दुखुजों बुंफबनाय
बे संसाराव,
आंनि मोनसेल' मिजिं
सुखुखौ बोरै मोननो ।
नागिरबायो जेथिंबो
सुखुनि समखौ,
नाथाय सुखुखौ बहा मोननो
दुखुनि अनगा ।
सुखुनि सम फैयो
उनफिनो मेगनाव,
मोदै हगारना
सहाय हाया गोसोआ
दुखुनि समखौ ।
हास्थायो अरायबो सुखुनि महर
नाथाय दुखु गैयाब्ला
सुखुखौ बोरै मोननो
सुखुनि लोगोरि
जादों दुखु,
आरो बे संसाराव
दुखु गैयाब्ला
सुखुनि समखौ मोननो थाडा ।

मेगननि नोजोरावल' नडा
हर गेजेर अखा नायसि सिमांआव
माब्लाबाबो आंखो दारायदाव ।
मानसिआ एसे मोजां नडा आंबो
लेखा गोरों नों फरायनाय बुजिनाय
गाहायाव आरो दाफरायसै आफोद,
मिथिखा नडाबा गाज्जि जाखाबाय
आरो मोजां मोननाया नागारखाबाय ।
गोरलै रावजों लिरनाय खन्थाइ
गोब्राब सानथौ गोसोआव लाखि
नोंनि बिख्लौआ रोजाब्लासो फराय
नडाबा इयुनाव मालाबो दाफराय ।

निखाउरि जिउ

मुखा लाग्रा सुबुं

रूपम खाखलारी

अनसुमै स्वर्गीयारी

मा बुंभावनो निखाउरि
 जिउनि सिमांखौलाय,
 जेरै मोनो एरैनो सिमांनि
 नुफ्लां बायनायखौलाय ।
 दावगानो सानफ्लाडेब्ला
 दावगानो हाया,
 निखाउरिया जेरैबोदा
 देरहानो हाया ।
 मादि बुंभावनो निखाउरिनि जिउखौलाय
 लुबैनायखौ मोननो हाया,
 खाफाल दाखुरानि जिउआ
 जेरावबो जाफुंसारनो हाया ।
 नुहरो एसे लामा सोरांनि
 गैया रां रूफानि भान्दारि,
 आगानखौ एसे दावगाहरोब्ला
 जायो जेंना जेंसिनि बाधा-बिधिनि ।
 हे गसाइ ! बिदिनोसै नामा
 निखाउरिनि खाफाल लिरनाय,
 बेनिखायनो निखाउरिया
 सिं जानानै थालांबाय ।
 नाथाय, अब्लाबो नाजागोन आं
 निखाउरि जिउनिफ्राय बारगनो,
 नाजागोन नारा-नाथा
 सोरांनि लामायाव दावगानो ।

मोखांआव मुखा गाननानै
 मानोथो आंजों फैदोंमोन नों,
 बैसोमुथिनि रानलांनाय
 बिखायाव थरथिंसे दै गोलैनाय बादि ।
 दाना आं नोंनि मुखा गाननाय
 महरखौ हमदांबाय,
 आरो बुजिबायबो
 बे बहुमाव मुखा गानग्रा
 जिबियारिबो थायो होनना ।
 औ मोजां मोन्दोंमोन आं नोंखौ
 नोंनि मुखा गाननाय महरखौ नायनानै ।
 जुदि नों गानाखैमोनब्ला
 दिनै मानो गुबुन महर,
 औ अराय सम गानना थानो हाया नडासै
 आं दाना,
 औ आं दाना गले गले
 इसरखौ खुलुमो
 मानोना आंनोबो इसोरा
 बोर हरमारदों
 ओंखायनो आं दिनै
 नोंखौ सिनायनो हाबाय
 नोंनि गुबै आबुथिखौ हमदां हाबाय ।□

दाया आंनि

धन खुंगुर दैमारी
B.A. 5th Sem

दावज्ला गिसिरबाय अखाबो नायबाय
दिनै गाबोन फरायगोन सानै सानै
हनै समा आंनि बारग' लांबाय
दाया आंनि दाया आंनि ।

आफाजों आइजों सानफ्रोमबो बुडो
मोजांनो फराय आफा मोजांनो फराय
नाथाय दिनै गाबोन सानै सानै
हनै आंनि समा बारग' लांबाय ।
गावनि गोसो सिंडाव गोसो खांदों आं
दिनै गाबोन सानै सानै
जेबो खामानियावनो आं उदाय रोडाखै
दाया आंनि दाया आंनि ।

गोसोआव आंनि सोंथि फैदों
दिनै गाबोन मावगोन साननानै
मा गोरोन्थि मावफ्लांखो आं
दाया आंनि दाया आंनि ।

गोसोनि लुबैनाय

प्रियंका कछारी
B.A. 5th Sem

गोसोनि लुबैनाया जोबनो थाडा
जोबनो थाडा साननाय हास्थायनाय
जायखौ लुबैयो बेखौ गोरलैयै मोननो थाडा
जाबादि सानो बेनिबो उल्था ।
मोनसे मोननायनि उनाव
आरोबाव लुबैयो गुबुन,
जैरै अखांखौ मोनहास 'नो हाया
थेवबो लुबैयो अखांखौ सहैनो ।
लामाखौ थाबायनानै फोजोबनो हाया
थेवबो गोसो जायो थांबाय थानो
बुहुमनि मायाखौ सानब्लाबो
सानस 'नो हाया,
थेवबो नागाराखै
साननाय हास्थायनाय, लुबैनाय,
दानि बे बादायलायनाय जुगाव
गासैखौबो मोनजोबनो लुबैयो ।
मोननानैबो मोनैबादि
लुबैनाया,
माब्लाबाबो जोबनो थाडा ।

रुफाथि फालिथाइ

बिथ 'राइ स्वर्गीयारी
H.S. 1st yr.

बै समाव
जॉनि बिकाली फरायसालिमानि
माखासे गोरों-गोरा आदा-आब 'मोननि
नाजानायाव 1996 मायथाइनि
16 नबेम्बरआव गायसंजानाय
बर' थुनलाइ आफादआ।
बोसोर बोसोर फालिजाबोनाय
देग्लायबो 25 थि मायथाइआरि फोबों
रुफाथि फालिथाइ महरै
फालिनी आखाइआव लादों।
बे फालिथाइनि गेजेरजों
जों जॉनि बिकाली फरायसालिमानि
थुनलाइ आफादजों लोगोसे
बर' समाजनि थुनलाइ आफादआवनो
बिहोमा होलांनो सानदों।
बायदिसिना हाबाफारि आखाइआव
लानानै गाजा-गोमजायै
रुफाथि फालिथाइ फोबोंखौ साजायदों,
देग्लाइ 2022 माइथाइआव
गोसोखाडे जों बयबो
बै समनि मावलांनाय खामानिफोरखौ।
गोबां थांखि आरो मिजिं लानानै
बिथांमोना बे आफादखौ गायसंदों,
अराय सम फालिलांबाय थार्थों
मुलुगआव गोसारलांदों
नों फोरबोनि मुडा।

नोंनि थाखाय आं जावलिया

बिरखां दैमारि,
आमजंगा

आंनि लाइमोन जिउआ
आंनि थायनै मेगना
नोंनि हायना महरखौल'
सिरि सिरि नायखोमाबाय थायो।
आंनि जिउ सोलेरा
हासथायदोंल' नोंखौ
नोंनि हगारसारनाय खानाय
नोंनि मिनिस्लु मिनिनाय
नोंनि रिजि रिजि हाथाय
नोंनि जारौ रौ खावलाय
हाबाब मादि महिमा।
बेसर बिबारनि गाननाय दख 'ना
बेयावनो सारि सारि देंखिया आगर
रेगेरेगां फालिनि फास्त्रा
बेयावनो सारि सारि हाजो आगर
बेसेबांबा समायफलेनाय आजोलि सिख्ला।
नोंनि सेर सेर लोगोआव
आखाइ हमलायना बेरायथिनो मोननायमोनब्ला
बेसेबांदि अनलायगौमोन
हाबाब बबे रावजों फोरमायो
नोंनि थाखायनो आं जावलिया।□

गाहाइ नेहाथारिनि रायफोरथि बिलाइ बिकाली फरायसालिमा बर' थुनलायारि आफाद



गिबि गिबियावनो बिकाली फरायसालिमा बर' थुनलायारि आफादनि एफा गिदिर गाहाइ नेहाथारिनि बिबानखौ होनानै हरिनि राव, हरिमु, थुनलाइखौ सिबिनो खाबु आरो थुलुंगा होनायनि थाखाय आफादनि गासै बोसोनगिरि आरो सोद्रोमा लोगो बिथांमोननिसिम आंनि गोसो गोरबोनिफ्राय साबायखर बाउनाय थाबाय । जायखौ आं बे गुसुं रायफोरथिजों लिरनानै फोजोबनो हाया ।

दासान्दि जोंनि बिकाली फरायसालिमायाव दाब दाब ओनसोलनिफ्राय गोबां बर' फरायसा फरायसुलिफोरा फरायफैनो हमदोंसै । गोदान मुगानि फरायसाफोरनि साननाय हनाया गोदान मुगाजों समानै जौगालांगासिनो जाहोनाव गोबां गोदान गोदान लिरगिरिफोर दिनै सासे गाबोन सासे बांबोगासिनो दं । ओंखायनो जोंनि ओनसोलनि गोदान लिरगिरिफोरनि लिरबिदांफोरखौ जोंनि आफादा थुबुर खालामनानै बिकाली फरायसालिमा बर' थुनलायारि आफादा बोसोरारि जथुमाव थामथि बिसान 'सोरजि' मुंनि गांसे खुगा लाइसि दिहुननो थांखि लायो ।

बे थामथि बिसान 'सोरजि' मुंनि खुगा लाइसिनि थाखाय जोडे बे ओनसोलनि गोबां सुबुंनिफ्राय बायदिसिना रोखोमनि मदद हेफाजाब लाबोनो गोनां जादों । ओंखायनो गिबियावनो आडे बे बिकाली ओनसोलनि गासै रायजो रजा फोरनिसिम राडरि अनसुंथाइ हरनायनि थाखाय आंनि गोसो गोरबोनिफ्राय हाजासे साबायखर बाउहरनाय थाबाय । बिथांमोना दासान्दि जाबादि आलो गोजोनै संसार जागासिनो इउनावबो जाहाथे बेबादिनो रंजा खुसियै थानो हायो आरो लोगोसे बर' हरिखौ जाहाथे मोनसे गेरेमसा माहारि दानायजों लोगोसे बर'नि राव हरिमु जौगानायाव बिहोमा होलांबाय थागोन होननानै मिजिं थिबाय । बिकाली फरायसालिमा बर' थुनलायारि आफादनि गासै बिबानगिरि आरो गासै सोद्रोमाफोरजों लोगोसे बिकाली फरायसालिमा बारग' बर' फरायसा गौथुमनि आफादगिरि, नेहाथारि, बोसोनगिरि आरो गुबुन गुबुन बिबाननि गासै सोद्रोमा बिथांमोना गावबा गावनि बेसेन गोसा समखौ नागारनानैब्लाबो आंजों सायाबादि थाफानानै आफादनि जथुम्माजों लोगोसे 'सोरजि' मुंनि खुगा लाइसिखौ दिहुननायाव हेफाजाब होबोबाय ओंखायनो बिथांमोननिसिम आंनि गोसो गोरबोनिफ्राय हाजासे साबायखर बाउहरबाय जायखौ आं नोंथांमोननि सिगाडव खुगानि रावजों

सोरजि

आरो आंनि बे गुसुं लिरथिजों लिरनानै फोजोबनो हानाय नड। बे खाबुआवनो आडे जोंनि इन्जुर लाइसिखौ अराय समायना रमायना बायदि महरनि आगर एरनानै जोंखोल माखोल खालामनायाव बिथांमोननिसिम आंनि मासिनिफ्राय हाजासे साबायखर बाउहरबाय। खुगा लाइसिनि खामानियाव नांथाबनानै थानाय 'सोरजि' नि सुजुगिरि अनामिका खाखलारी बिकाली फरायसालिमानि बर' बिफाननि गाहाइ बिबुंगिरि ड० चम्पाबति खाखलारी लेडइ बिबुंगिरि ड० सिमास्त्रि दैमारि आरो बिमला हाज 'वारी लोगोसे लेडइ थुनलाइ नेहाथारि प्रियंका कछारी आरो बारग' बर' फरायसा गौथुमनि आफादगिरि, अलिन्द हाज 'वारी, लोगो आफादगिरि पलाखि बसुमतारी, गाहाइ नेहाथारि बिरखां दैमारी, थुनलाइ नेहाथारि अनिला स्वर्गियारि आरो बिकाली फरायसालिमा बर' थुनलायारि आफाद आरो बारग' बर' फरायसा गौथुमनि गासै बिथोनगिरि आरो गासै गोख्रों मावथि नोंथांमोननिसिम आंनि खुगानि रावजों फोरमायसनो हायै साबायखर बाउनाय थाबाय।

जोबथारनायाव आंनि लिरनायाव माबाफोर गोरोन्थि थालांबायब्ला बेनि थाखाय आं नोंथांमोननि सिगाडाव अराय सम खर' गंग्लायनानै निमाहा बिनाय थाबाय आरो जोंनि बे 'सोरजि' मुंनि खुगा लाइसियाव जों नुसनियाव थालांनाय गोरोन्थिफोरखौ फोसाबहरनानै जोंनि बिकाली फरायसालिमा बर' थुनलायारि आफादनिसिम आसि दिन्थिनानै होफैगोनखौ आफादनि जानानै मिजिंथिबाय। 'सोरजि'आ बिकाली फरायसालिमा बर' थुनलाइ आफादनि अराय 'सिनस्त्रि' जानानै बर' फरायसा फोरखौ अराय सम थुलुंगा होलांबाय थागोन होननानै आं मिजिं थिनानै आंनि रायफोरथि बिलाइ लिरनायखौ एसेयावनो दोनथ 'बाय। गोजोनथों-

बर' राव गेवलांथों

बिकाली फरायसालिमा बर' थुनलायारि आफादआ अराय जुगामि जानानै थार्थों।

नोंथांमोननि फोथायजाथाव-

पंकज खाखलारी

गाहाइ नेहाथारि

बिकाली फरायसालिमा,

बर' थुनलायारि आफाद

**THE PRESIDENT AND SECRETARY OF BODO LITERARY
SOCIETY, BIKALI COLLEGE, DHUPDHARA**

| Sl.No | President | G. Secretary | Session |
|-------|---------------------|----------------------|-----------|
| 1. | Hazarat Ali Ahmed | Naba Kr. Basumatary | 1996-1998 |
| 2. | Hazarat Ali Ahmed | Santash Kr. Boro | 1998-1999 |
| 3. | Harendra Kr. Baruah | Bipul Khakhalary | 1999-2000 |
| 4. | Harendra Kr. Baruah | Jyotish Basumatary | 2000-2001 |
| 5. | Ananya Baruah | Miresh Basumatary | 2001-2002 |
| 6. | Ananya Baruah | Kalendra Hazowary | 2002-2003 |
| 7. | Ananya Baruah | Lahit Basumatary | 2003-2005 |
| 8. | Dr. Malina Rabha | Jiten Basumatary | 2005-2006 |
| 9. | Dr. Malina Rabha | Mantush Kr. Boro | 2006-2007 |
| 10. | Dr. Malina Rabha | Dharmananda Brahma | 2007-2008 |
| 11. | Dr. Malina Rabha | Sahaisula Khakhalary | 2008-2009 |
| 12. | Dr. Malina Rabha | Chayno Khakhalary | 2009-2010 |
| 13. | Dr. Malina Rabha | Biswajyoti Kachari | 2010-2012 |
| 14. | Dr. Malina Rabha | Birkhang Daimary | 2012-2015 |
| 15. | Dr. Malina Rabha | Tenjing Basumatary | 2015-2017 |
| 16. | Dr. Malina Rabha | Nirmal Boro | 2017-2021 |
| 17. | Dr. Monoj Gogoi | Pankaj Khakhalary | 2021-2022 |

**PRESENT GENERAL BODY OF BODO LITERARY SOCIETY,
BIKALI COLLEGE, DHUPDHARA-2021-22**

1. President : Dr. Monoj Gogoi
2. Vice President : Dr. Seemashree Daimary
: Mrs. Bimala Hajowary
3. General Secretary : Pankaj Khakhalary
4. Asst. Secretary : Dhan Khungur Daimary
: Hirokkyoti Khakhalary
5. Cultural Secretary : Daniel Henry Swargiary
6. Asstt. Cultural Secy: Rumoi Boro
: Dhiraj Basumatary
7. Megazine Secretary: Anamika Khakhalary
8. Asst. Megazine Sec.: Priyanka Kachary
9. Adviser : Head of All Deptt.
10. Member : All Students

रुफाथि माइथायारि जोनोम सान
Silver Jubilee Celebration

खुंगा 11 थि बोसोरारि जथुमा, 2022

11th Annual Convention, 2022

बर' थुनलायारि आफाद, बिकाली फरायसालिमा
of

Bodo Literary Society, Bikali College, Dhupdhara



अक्ट: 16 नबेम्बर, 2022

थावनि: बिकाली फरायसालिमा, धुपधरा

Organised by:

*Bodo Literary Society, Bikali College,
Dept. of Bodo, Bikali College, Dhupdhara*

सिम,

मानिनां,

मुस्त्रि/मुस्त्रिमा.....

.....

हांख्रायलाय

मानाव गेदेद/गेदेमाजो,

गिबियावनो आफादारि गाहाम हामलायथिखौ जासिहरनायजों लोगोसे नोंथां/नोंथांमोननो फोरमायनो मोननानै गोजोननाय मोनोदि फैयै फैयै बिकाली फरायसालिमा बर' थुनलायारि आफादा देग्लाइ 16 नबेम्बर, 2022 खालाराव सानसेनि हाबाफारिजों गाजा गोमजायै रुफाथि मायथायारि जोनोम सान आरो 11थि बोसोरारि जथुमाखौ खुंनो थाखाय आखायाव लादों। बे जथुमाजों लोब्बा लाखिनानै मानगोनां मुस्त्रि जगेश देउरीनि गांसे बेसेन गोसा बिजाब "चीनानि-हाव आरो चिये-चिये" नि सायाव मोनसे सावरायनाय आयदा लानाय जादों।

ओंखायनो नोंथां/नोंथांमोनखौ बे लाइजामनि गेजेरजों बिकाली फरायसालिमा बर' थुनलायारि आफाद आरो बर' बिफाननि जानानै गाहायाव मख'नाय मोनफ्रोमबो हाबाफारियाव बाहागो लाफैनो थाखाय खावलायहरनाय जाबाय। गोजोनथों-

नोंथांमोननि फोथायजाथाव-

ड० मनोज गगै

आफादगिरि

बि. फ. ब. थु. आ.

गोरायुं

बिकाली फरायसालिमा,

धुपधारा

पंकज खाखलारी

गाहाय नेहाथारि

बि. फ. ब. थु. आ.

**SILVER JUBILEE CELEBRATION
&
11TH ANNUAL CONVENTION, 2022
of
BODO LITERARY SOCIETY**

Respected Sir/Madam,

We on behalf of Bodo Literary Society and Department of Bodo, Bikali College, Dhupdhara have the pleasure to inform you all that Bodo Literary Society, Bikali College is going to Celebrate Silver Jubilee of its existence on 16th November, 2022 along with its 11th Annual Convention with a One-day colourful programme.

Therefore, we request you to attend the programme and hope that your participation will make it grand success.

Yours faithfully-

Dr. Monoj Gogoi
President, B.C.B.L.S.
Principal,
Bikali College, Dhupdhara

Pankaj Khakhalary
General Secretary
B.C.B.L.S.

Programme

- 8:00 am : Flag Hoisting
By : Dr. Monoj Gogoi, President, B.C.B.L.S.
& Principal Bikali College, Dhupdhara
- 8:20 am : Homage to Martyrs
By : Prof. Bhupati Das, HoD Education,
Bikali College, Dhupdhara
- 8:40 am : Plantation Programme
By : Prof. Alinda Hazowary, President,
Alumni Bodo Students Association,
Bikali College, Dhupdhara
- 9:00 am : Wall Magazine 'Agor' Inauguration
Inaugurator : Ms. Swarna Lata Devi, Librarian, Bikali
College, Dhupdhara
- 10:00 am : Special Lecture Session
Inaugurator : Sri Laba Kr. Kachary, President, Bikali
Mouza Unnayan Committee
- Inauguration of Mouthpiece**
Inaugurator : Dr. Jibeswar Koch, Former Head of
Bodo Dept., Dudhnoi College
- Special lecture on the book "China Ni-Hao Xie Xie"**
by : Dr. Jogesh Deori, Author of the book,
Former Director of Sericulture,
Bodoland
- Closing ceremony of Flute Recital & Training Workshop**
Special guest : Mr. Kanishka Hazowary, Vice President,
GDC/BSS
- 1.00 pm : Cultural programme and Interaction with
Alumni & Students.



